

和

林

考

黃櫨哉 撰

中華書局

和林考

此據靈鵜閣叢書
本排印初編各叢
書僅有此本

和林考

和林爲有元一代故都。築城鑿池。建立殿廷。非同他處牙帳行宮轉徙無定者也。而近世諸家紛紛辨論。終不能確指其地。雖博雅如魏默深。徐星伯。張石洲諸先生。熟悉口外地形。而於和林遺蹟。亦多悠移之詞。蓋緣今時所行之圖本。誤將杭海山移於鄂爾坤河之東。遂致燕郢易位。地望無準矣。故必先知杭海山所在。而後可知和林所在。考一統志。杭海一名杭愛。又名頑露。元秘史作康孩。皆一音之轉。卽古之燕然山。北極出地四十六度。偏西十四度。外蒙古賽音諾顏部游牧。直陝西寧夏西北二千餘里。其山脈從阿爾泰山一名按台山。卽金山。來。綿絡科布多之西北。折東南爲唐努嶺。至錫巴里分爲二支。一東北趨俄羅斯。楚庫柏興。一東南趨和林。爲杭海山。杭海譯言橐駝也。山形似之。元史大德五年。叛王海都犯邊。武宗討之。師次杭海。大破其衆。海都敗走。西踰金山。又太祖之征乃蠻也。塔陽汗至自按台。營於杭海。帝與大戰。擒之。是知按台杭海諸山連綿不斷。實和林西北門戶。海都入寇之要道。和林根本重地。祖宗基業。勢在必爭。水道提綱。據康熙內府輿圖。以色列格河北源所出之山。爲杭海山頂。以鄂爾坤河南源所出之山。爲杭海山尾。而齊老圖塔米爾諸水所出之山。皆杭海頂南行支阜。近圖乃移杭海山於鄂爾坤河之右。則在和林故都之東矣。海都大德五年之寇。和林尚未被兵。不應寇從西來。而康里脫脫哈贊亦諸軍之逆戰者。反東出。有是理乎。海都豈能飛越和林而過。遽至鄂爾坤河之東乎。邱道人長春西遊記云。辛巳

年。元太祖十六年宋寧宗嘉定十年。金宣宗興定五年。

六月二十八日泊窩里朶之東。窩里朶漢語行宮也。奉皇后旨。請師渡河。其

水東北流。瀾漫沒軸。入營駐車南岸。其車輿亭帳。望之儼然。古之大單于未有若此之盛也。沈君堯釋曰。

元史地理志。太祖十五年建都和林。按是年太祖征西域。駐蹕也石的石河。即額爾齊斯河。親未中回。安得有建

都之事。且太祖所居之見於紀者。六年春帝居怯綠連河。即克魯倫河。十一年春居臚朐河行宮。西遊記作陸馬河。亦克魯倫

之異名也。十九年由西域班師。二十年春正月還行宮。秋七月崩於薩里川哈老圖之地。本紀不見有和林

之名。太宗元年秋八月。諸王百官大會於怯綠連河曲雕阿蘭之地。以太祖遺詔。即皇帝位於庫鐵烏阿

刺里。亦不言和林。二年春帝與拖雷獵於幹兒寒河。即喀魯夏避暑於塔米爾河。始在和林左右。七年春

遂城和林。作萬安宮。實始建都於太宗。非由太祖矣。魏默深曰。和林在塔米爾河哈綏河二小水之間。哈

綏即元時和林川。以水得名。愚按和林二字。乃係漢文。非蒙古語。太祖之時。但建牙於此。即皇后所居之

窩里朶也。凡行宮所在。概稱窩里朶。如西遼之故都。則曰虎思窩里朶。在伊烈河之南。太清池之北。距伊魯塞

又薩里川哈老圖薩里爲川名。哈老圖即窩里朶之轉音。亦以太祖所居故也。至太宗之世。築城建宮。乃

被以和林之名。易爲漢文耳。許有壬至正集。敕賜興元閣碑文。太祖聖武皇帝之十五年。歲在庚辰。定都

和林。太宗皇帝始建宮闕梵宇。基而未屋。憲宗繼述。歲在丙辰。作大浮屠。以傑閣高三百尺。至正壬午。

皇上敕怯憐府同知。今武備卿普達什理。暨嶺北行中書省右丞。今宣政院使月魯帖木兒。專督重修。賜

名曰興元之閣。耶律楚材夢溪醉隱集詩注。和林城。苾伽可汗之故都也。東北七十里。有唐開元壬申御製

御書闕特勤碑。又張參議紀行云。過大泊。周廣六七十里。水極激激。北語謂吾僕竭腦兒。今察汗池一作揭揭寒。自泊之南而西。分道入和林城。相去約百餘里。此皆當時人語。必有可據。蓋和林之都雖翺自太祖

而和林之名則改於太宗。經營締造。數世於茲。世祖定鼎中原。置都元帥府。後改嶺北行中書省。自杭海

嶺以北。謙州益蘭州烏蘇城合納昔吉里等部。今俄羅斯所屬葉尼塞多木二司科之地。悉隸焉。泊夫順帝北狩。還居故土。終明

之世。猶襲汗號。後爲準噶爾殘破。部衆流離。宗社邱墟。然遺蹟尙未盡淹。不改和林之稱。今之賽音諾顏

部右翼中前旂游牧之地。俗名喀喇哥朗。在杭海山之東麓。確爲元之故都。何得移於塔米爾河哈綏河

二水之中間。右翼中右旂荒曠之區乎。至於元人時稱和林川。卽今之鄂爾坤河也。歐陽圭齋高昌偃氏

家傳。和林有三水焉。一竝城南山東北流。曰幹耳寒河。卽喀魯哈。一經城西北流。曰和林河。一發西北東流。

曰偃輦傑河。卽色棱格。此語本甚明晰。而程氏同文以鄂爾坤當幹耳寒河。遂以哈綏河當和林川。沈氏壺

則以濟爾馬台爲和林河。愈歧愈遠。不知和林河卽今之鄂爾坤也。發源杭海山。東流至和林城。西折而

北流。曲曲百餘里。轉西北納濟爾馬台塔米爾諸水。又東北與喀魯哈河會。又東北與色棱格河會。三水

既合。北流注於麥嘉滿。一作和哈爾。張參議紀行云。和林城北七十里有大泊。西有小城。亦契丹所築。由城四

望。地甚平曠。可百里。外皆有山。山之陰多松林。瀕水則青楊叢柳。中卽和林川是也。邱道人奉皇后旨請

師渡河者。蓋道人始自南而北。所過石河爲鄂爾坤之下流。循河北岸西行。復自北而南。又渡河至窩里

朵。爲鄂爾坤之上源也。